



XALQ DEPUTATLARI TOSHLOQ TUMAN KENGASHINING QARORI

2023 - yil 20 - aprel

VI-68-45-11-160-K/23

Toshloq tumani hokimligi

Farg‘ona viloyati Toshloq tumani mahalliy byudjetining 2023-yil I chorakdagi ijrosi to‘g‘risida

O‘zbekiston Respublikasi Byudjet kodeksining 27 va 165-moddalari va “Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 24-moddalariga hamda O‘zbekiston Respublikasi Prezidentining 2017-yil 13-dekabrdagi “Mahalliy davlat hokimiyati organlarining moliyaviy erkinligini oshirish, mahalliy byudjetlarga tushumlarning to‘liqligini ta’minlash bo‘yicha Soliq va Moliya organlari javobgarligini kuchaytirishga oid qo‘srimcha chora-tadbirlar to‘g‘risida”gi PF-5283-sonli Farmoni hamda tuman mahalliy byudjetining 2023-yil I chorakdagi ijrosi yuzasidan tuman Iqtisodiyot va moliya bo‘limini hisobotini tinglab, atroflicha muhokama etib, xalq deputatlari Toshloq tuman Kengashi

QAROR QILADI:

1. Tuman mahalliy byudjetning 2023-yil I-chorakdagi ijrosi to‘g‘risidagi Iqtisodiyot va Moliya bo‘limi boshlig‘i vazifasini vaqtincha bajaruvchisi J.Qurbanovning hisoboti ma’lumot uchun qabul qilinsin.

2. Toshloq tuman mahalliy byudjetining 2023-yil I-chorak ijrosi to‘g‘risidagi hisobot tasdiqlansin. Bunga ko‘ra: Toshloq tumani mahalliy byudjetining 2023-yil I-chorak mahalliy byudjet daromadlari 16,915 mln. so‘m (100.1%)ga va mahalliy byudjet harajatlari kiritilgan o‘zgartirishlar bilan birga 66,378 mln. so‘m miqdoridagi ijrosi ma’qullansin.

3. Quyidagilar:

- tuman mahalliy byudjetining 2023-yil boshiga shakllangan erkin qoldiq mablag‘lari sarflanishi 1-ilovaga muvofiq tasdiqlansin.

4. O‘zbekiston Respublikasi Oliy Majlisi Senati Kengashining 2022-yil 8-

apreldagi “Qoraqolpog‘iston Respublikasi Respublika byudjetining, viloyatlar viloyat byudjetlarining, Toshkent shahri shahar byudjetining, tumanlar va shaharlar byudjetlarining qo‘srimcha manbalarini aniqlash va ulardan foydalanishni tartibga solish to‘g‘risida”gi KQ-331-IV-son qarori ijro uchun qabul qilinsin.

5. Tuman mahalliy byudjetining 2023-yilda shakllangan qo‘srimcha manbalari hisobidan Fuqarolar tashabbusi jamg‘armasiga 9,7 mln so‘m, (to‘qqiz million yeti yuz) ming so‘m mablag‘ ajratilsin.

6. Mazkur qaror asosida mablag‘ ajratilayotgan byudjet tashkilotlari va byudjet mablag‘i oluvchilar rahbarlari ajratilgan mablag‘lardan maqsadli va samarali foydalanimishini hamda moliyalashtirish manbasini ochish uchun o‘rnatilgan tartibda rasmiylashtirilgan hujjatlarni hamda mablag‘larni ishlatish yakuni bilan tegishli hisobotlarni tuman iqtisodiyot va moliya bo‘limi hamda g‘aznachilik hizmati bo‘limlariga taqdim etilishini ta’minalash vazifalari yuklatilsin.

7. Tuman hokimligi iqtisodiyot va moliya bo‘limi boshlig‘i (v.v.b J.Qurbanov), tuman Davlat soliq inspeksiyasi (v.v.b. B.Xalilov), tegishli idora va tashkilotlar hamda hududiy byudjet mablag‘lari taqsimlovchilari bilan birgalikda xalq deputatlari tuman Kengashiga mahalliy byudjetning ijrosi to‘g‘risida har chorakda hisobot berib borilishini ta’minalasin.

8. Tuman hokimining birinchi o‘rinbosari (K.Umarov), tuman Davlat soliq inspeksiyasi (v.v.b. B.Xalilov)larga:

- soliq solish ob’ektlari va soliq solinadigan bazani to‘liq qamrab olish, soliqlar yig‘ilishi darajasini oshirish, mavjud zahiralarni safarbar etish va yangi ishlab chiqarish quvvatlarini ishga tushirish orqali tegishli byudjet daromadlari prognozining bajarilishini ta’minalash;

- byudjet mablag‘laridan maqsadli va oqilona foydalanish hamda uni tejash, byudjet intizomini mustahkamlash, byudjet mablag‘laridan foydalanishning natijadorligi bo‘yicha hisobdorlik tizimini kuchaytirish;

- birinchi navbatda moliyalashtiriladigan (ish haqi va unga tenglashtirilgan to‘lovlari, oziq-ovqat, dori-darmon va kommunal xizmatlar) harajatlarni o‘z vaqtida moliyalashtirish va kreditor qarzdorlikka yo‘l qo‘ymaslik;

- mahalliy davlat hokimiyati organlari, davlat soliq xizmati organlari rahbarlari byudjet daromadi prognoz ko‘rsatkichlarini ortiqcha to‘langan va undirilgan soliq summalarini hisobiga bajarilishiga yo‘l qo‘ymasliklari bo‘yicha qat’iy ogohlantirilganligi alohida ko‘rsatib o‘tilsin.

9. Tuman hokimining birinchi o‘rinbosari (K.Umarov), tuman hokimligi

iqtisodiyot va moliya bo‘limi boshlig’i (v.v.b J.Qurbonov), tuman Davlat soliq inspeksiyasi (v.v.b. B.Xalilov)larga:

- tashqi ijtimoiy-siyosiy va iqtisodiy vaziyatni mamlakatimiz iqtisodiyotiga salbiy ta’sirini hamda mahalliy byudjetlarni balansliligini inobatga olib:

- 2023 yil uchun ko‘zda tutilgan mahalliy byudjet daromadlari prognoz ko‘rsatkichlarini moliya yili davomida daromad manbalari bo‘yicha qayta ko‘rib chiqilishini hamda hududlar o‘rtasida soliq yukini inobatga olgan holda qayta taqsimlab borish;

- byudjet tashkilotlarining ish haqqi va unga tenglashtirilgan to‘lovlarini hamda kam ta’minlangan ehtiyojmand oilalarga to‘lanadigan ijtimoiy nafaqalar, ish haqqi va unga tenglashtirilgan to‘lovlarni o‘z vaqtida moliyalashtirish maqsadida 2023 yil uchun hududiy byudjet mablag‘lari taqsimlovchilarga ajratilgan ayrim samarasiz xarajatlarni maqbullashtirish choralarini ko‘rib borsinlar.

10. Mazkur Kengash qarori ijrosini nazorat qilish tuman hokimining birinchi o‘rnbosari K.Umarov hamda xalq deputatlari tuman Kengashining “Mahalliy byudjetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari” bo‘yicha doimiy komissiyasi zimmasiga yuklatilsin.

Kengash raisi



A.Djurabayev

Xalq deputatlari Toshloq tuman
 Kengashining
 2023 yil 20 apreldagi
 VI-68-45-11-160-K/23-son
 qaroriga
 1-ilova

**Tuman mahalliy budgetining 2023-yil boshiga shakllangan erkin qoldiq
 mablag‘lari hisobidan yo‘naltirilgan mablag‘lar**

T/R	Ajratilgan mablag‘ yo‘nalishlari	Mablag‘ miqdori (mln so‘m)	Mablag‘ ajratilgan tashkilot nomi
1	“Ochiq budget” portaliga yo‘naltirish uchun	504,0	Tuman hokimligi
2	“Yoshlar daftari” jamgarmasiga o’tkazish maqsadida	252,0	Tuman hokimligi
3	“Ayollar daftari” jamg’armasiga o’tkazish maqsadida	252,0	Tuman hokimligi
4	Majburiy ijro byurosi Toshloq tuman bo‘limining davlat ijrochisining ijro ishlari bo‘yicha kompensasiya va davlat bojlari uchun	114,0	Tuman hokimligi
5	Farg‘ona viloyat Qurilish bosh boshqarmasidan bo‘lgan qarzdorlik uchun	260,7	Tuman hokimligi
6	Tuman hokimligi xodimlari ustama to’lovlar uchun	152,2	Tuman hokimligi
7	Uy-joyga muhtoj xotin-qizlarni ijtimoiy uy-joylar bilan ta’minlash maqsadida	125,0	Tuman hokimligi
8	Xalq deputatlari Toshloq tuman kengashi kotibiyati ustama to’lovlar uchun	16,0	Xalq deputatlari Toshloq tuman kengashi kotibiyati